



HENRICVS I

Comes de Aslo

XIV,

EPISCOPUS PADERBORN.

Annus Christi 1084.

Gregorij VII Pont. 12.

Henrici IV Regis 29. Imp. 1.

Henrici I Ep. Pad. 1.

Conturbatus
Germaniæ
status pro-
pter di-
versa
schisma-
ta.



Henricus
I. Comes
de Aslo
eligitur
Epif. Pad.

Uem à morte Popponis prosequimur annum Christi MLXXXIV, is nos cum sequentibus duobus Episcopis deducit ad conturbata religionis tempora. Nam postquam Henricus, Rex impius, ausus est Gregorium VII, verum & Orthodoxum Pontificem, è Cathedra Petri, per vim armorum deturbare, & in ejus locum Clementem Pseudopontificem, ingemiscente toto orbe Christiano, obtrudere, ortum est foedum illud & hætenus inauditum schisma inter Sacerdotium & regnum: vulnere nimirum per contagionem mali à Sede Apostolica, tanquam à capite per cetera Ecclesiæ membra manante. Nam passim per Italiam & Germaniam Saxoniamque nostram alibi Catholici Episcopi, alibi Schismatici conspecti sunt. Nec & Episcopi solum cum Episcopis, sed & Abbates cum Abbatibus, Clerus cum Clero, & Monachi cum Monachis collisi sunt; quòd alij vero suo Pontifici, alij Pseudopontifici, & schismatico Regi per studia partium & dissidia hærerent. Ad hæc, quod multo detestabilius erat, in eadem Episcopi sede simul Catholicus à Clero electus, & Pontificis auctoritate confirmatus: simul Schismaticus, à schismatico Rege obtrusus spectabatur. Ejus foedæ rei exemplum in nostra quoque Paderbornensi Ecclesia. Nam post obitum Popponis Episcopi nostri, Hermanni Catholici Regis nominatione, Cleri consensu, & Legati Pontificis auctoritate, quem Gregorius

gorius